



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac Ex Probatis Auctoribus breviter concinnata

Busenbaum, Hermann

Coloniae Agrippinae, 1713

Q. 44. Quid circa vestes sacras, Corporalia, purificatoria & alia paramenta.

urn:nbn:de:hbz:466:1-42624

322. Q. 43. Quid circa mappas & antipendium sit aduendum. R. seqq. §. 1. Duas mappas nunc sufficere, etiam si non tegant totum Altare, docent *Henriq. Suar. Laym. Bonac. Gob. in Exp. t. 3. n. 289. Sporer n. 378.* & alii plures contra *Gav. & Jordan.* sic enim habet usus, & pro tertia servit corporale, *Verj. t. 8. a. 7. n. 2.*
323. §. 2. Mappa non debet esse ex serico vel lana, sed ex lino, cannabe vel gossipio: partes tamen dependentes possunt aliter ornari, *Pasq. q. 708.*
324. §. 3. Una longa mappa potest servire pro pluribus, si duplicetur vel triplicetur saltem quoad illam partem, in qua est lapis consecratus, aut si totum Altare sit consecratum, in qua reponitur calix & patena, *Pasq. q. 707.*
325. §. 4. Sine necessitate celebrare absque ulla mappa est mortale: si autem adsit gravis necessitas, nullum est peccatum, *Pasq. q. 712.* Hinc *Silv. Az. Suar. Laym. Tann. Tamb. Sporer n. 379.* dicunt in necessitate adhiberi posse non benedictam, quæ peracto Sacrificio redeat ad usus profanos.
326. §. 5. Antipendium potest esse ex asseribus vel alia materia coloribus inducta, *Jordan. Gob. n. 290.* Potest etiam relinqui nudum marmor vel lapis politus, quia seipso est ornamentum: putatque *Pasq. q. 713.* nullum esse peccatum celebrare absque omni ornatu & antipendio, maximè si fiat ex paupertate, sed *Quarti* dicit fore veniale omittere, si haberi possit.
327. Q. 44. Quid circa vestes sacras, Corporalia, Purificatoria & alia paramenta sit præterea notandum. R. seqq. §. 1. Humerale seu amictum non adhibe-

hibere est tantum veniale in illis, qui non ad caput tegendum, sed in solis humeris ferunt, *Pasq.* q. 810.

§. 2. Si Parochus non haberet ullam Albam benedictam, posset die festivo celebrare in non benedicta, *Gob. in Exp. t. 3. n. 323.* 328.

§. 3. Cingulum, cujus nulla pars sufficit ad cingendum, amisit benedictionem, *Pasq.* q. 806. 329.
Pars sufficiens ad cingendum retinet benedictionem, & ad maiorem commoditatem potest ei iterum innodari pars altera insufficientis, quamvis enim per hoc non recipiat benedictionem, tamen totum licite adhibetur ad usum, *Aversa, Sporer* n. 413. Et licet idem dicant plures, quamvis neutra pars de se sufficiat, tamen recte cum aliis contradicunt *Aversa & Henao* n. 1809. Si Casula haberet ligamina, quibus Alba posset substringi, hæc servire possent loco cinguli, *Pasq.* q. 810.

§. 4. Celebrare sine velo calicis, quando nulum habetur, non est peccatum, nam velum, manutergium, pulvinar pro libro requiruntur ob decentiam tantum, nec benedicuntur. Bursa five theca corporalis potest plane omitti, *Sporer* n. 400. 330.

§. 5. Non est mortale celebrare sine purificatorio, quando non potest facile haberi, *Gob.* n. 314. 331.
Et cum purificatorium non requirat benedictionem, potest pro eo adhiberi strophium mundum, quo tamen postea non amplius erunt tergendæ nares, *Suar. Avers. Gob. Sporer* suprâ. Debetque purificatorium primâ lotionem ablui à persona sacra, *Pasq.* q. 784., qui cum *Suar.* dicit sufficere, si habeat primam tonsuram.

332. §. 6. Putat *Suar.* mortale esse extra necessitatem celebrare sine palla calicis, sed hoc negant *Sot. & Rodriq.* Si autem desit, aut per quadrantem expectari deberet, potest loco ejus ad tegendum calicem adhiberi aliud corporale, aut hoc deficiente, purificatorium aut etiam bursa. *Gob. n. 316. Sporer n. 398.*
333. §. 7. Mortale est nullum habere corporale, aut uti non benedicto, nisi excuset gravis necessitas, *Pasq. q. 790.* Putatque *Dicast.* fore duplex mortale, si celebretur & absque Altari & absque corporali, cujus ratio dabitur nu. 1112. Posse autem corporale & pallam esse etiam ex cannabe, probat usus, *Gob. n. 314.* Etiam posse esse ex gossipio docet *Verric.*, & in Indiis talis usus est communior, *Verj. a. 7. n. 3.*
334. §. 8. Corporalia post primam lotionem lavari possunt à Monialibus vel laicis, quamvis *Suar. Bonac.* & alii dicant convenientius esse, ut tribus lotionibus laventur à persona sacra. Non est mortale, si laicus primam lotionem laveret: & sufficere esse Clericum tonsuratum dicunt *Suar. & Pasq. q. 784.* Neque peccatum est, secluso contemptu, si aqua primae lotionis non injiciatur in sacrarium, sed in alium locum decentem. Unde nec erit mortale, si abluantur in fluvio corrente, *Pasq. q. 795.*
335. §. 9. Si infirmus esset communicandus, & deesset alicui stola vel Alba, *Verju. a. 6.* putat fore mortale, sine uno horum ei Communionem porrigere, quia hæc videntur spectare ad reverentiam intrinsecam Sacramento debitam; sed probabilius est oppositum, quia non est positiva irreverentia, sed tantum omissio majoris reverentiae, & necessitas hominis, propter quem insti-

instituta sunt Sacramenta, videtur excusare.

§. 10. Si paramenta non sint enormiter im-
munda, est tantum veniale in illis celebrare,
quamvis foret ipsum corporale, *Marchant.* Imò
usurpare vestes aut paramenta non munda,
quando alia haberi non possunt, non est pecca-
tum, *Suar. G. bat n. 389.* 336.

§. 11. Vestibus sacris uti ad comœdiam pro-
fanam vix vacat culpâ mortali. *Suar. Gob. n. 389.* 337.
Detritæ autem non sunt adhibendæ ad usus
profanos, sed vel exurendæ, vel è majoribus fa-
ciendæ minores, v. g. ex Albis humeralia aut
superpelliceum, ex Stola manipulus, *Tann. Gob.*

Q. 45. Quid dicendum sit de casu, in quo mors
intentatur Sacerdoti, nisi consecret extra Missam, si-
ne sacris vestibus, sine Altari, calice &c. &c. Præter
illa, quæ habet *Busenb.* hic notanda sunt seqq. §.
1. Dixi p. 1. à n. 156. talem Sacerdotem gravissi-
mè peccaturum, si verba consecrationis profer-
ret sine intentione consecrandi, sed posse alia
verba submissè dicere: possuntque de hoc plu-
ra videri apud *Henao* à n. 1776. 338.

§. 2. Si mors intentetur, nisi celebret sine
sacris vestibus, altari aut calice, *Caj. Nugn. Suar.* 339.
Castrop. Fill. t. 5. n. 148. Verj. t. 8. a. 6. dicunt ce-
lebrare non posse aut consecrare, quia est in-
trinsecè malum, eò quòd ista spectent ad in-
trinsecam reverentiam Sacramento debitam.
E contra *Az. Vasq. Valent. Sal. Becan. Bonac. Dian.*
p. 11. t. 6. R. 15. & 25. Pasq. q. 701. Gob. t. 3. n. 339.
Reques. d. 15. n. 65. Sporer n. 396. & 408. dicunt
non esse intrinsecè malum, ideoque licere ex
metu mortis, sed rectè notat *Avers. q. 11. f. 13.*
casum in praxi vix habere locum, quia vix ab-
erit contemptus fidei vel Religionis, qui si adfit,